

Zapisnik sa intervjuja

Tema: Dogovor za izlazak

1. Možete li nam reći neke osnovne informacije o Vašoj kompaniji, čime se bavite?

Mi u principu tek pokušavamo započeti našu priču, te smo odlučili da to bude kroz mladima bliske softvere. Smatramo da su mladi kompjuterski najpismeniji i da najviše koriste socijalne mreže, te da bi naš softver bio dobar za tu ciljanu skupinu, uz eventualna kasnija proširenja. Na osnovu toga ćemo vidjeti da li ćemo opstati i da li ćemo se dalje truditi.

2. Da li imate urađen do sada ovakav tip softvera?

Ne. Sve se nanovo pravi.

3. Šta sve treba softver da pokriva, da li je to samo izlazak ili nešto u širem smislu?

Izlazak može imati različite načine organizacije. Trebalo bi da postoji neki chat sa strane kako bi se mogle razmijeniti poruke. Trebalo bi da postoji neka ploča na kojoj se korisnici dogovaraju gdje će i kako će. Može da ukoliko se dogovara 5 ili više ljudi da oni predlažu mjesta na koja će se izaći, te se zatim vrši označavanje/štrihiranje, i bira se mjesto za koje je najviše korisnika glasalo. Ukratko, voljeli bismo da se napravi plan izlaska za veće skupine. Voljeli bismo da ima prijedlog za izlazak, kako doći dotle, koliko ostati, ili ako se pravi neki plan za zabavu potrebne su informacije kao: koji je budžet, šta kupiti, koga pozvati. Sve te skupine trebaju biti raspoložive kada se otvori panel.

4. Koliko različitih korisnika ima, da li su ravnopravni?

Jedan korisnik pravi izlazak, ostali članovi su ravnopravni i mogu pozvati na izlazak koga žele. Svi mogu editovati izlazak, tj. jedno pravi izlazak, a svi ostali članovi mogu ravnopravno proširivati izlazak.

Voljeli bismo da se omogući prijava putem Facebook računa, a možemo imati i obične korisnike koji nisu željeli da se prijave putem Facebooka. Potrebno je omogućiti da se korisnici između sebe mogu pronaći. Primarna je putem Facebooka.

5. Da li ste sigurni da bi svi korisnici trebali biti ravnopravni u sklopu jednog eventa (recimo da bilo ko može da obriše event)? Kako biste ograničili pojedine korisnike?

Svi ravnopravni, ne i u brisanju.

6. Da li neko smije izbacivati ljude koji su pozvani i ko ima tu mogućnost?

Izostavila bih to.

Po čemu bi trebala da se vrši pretraga korisnika?

Prema imenu i/ili prezimenu.

7. Šta je sve vidljivo gostu (osobi koja nema korisnički račun)?

Ništa. Samo prijava i mogućnosti softvera.

8. Što se tiče samog eventa/izlaska da li imate neke informacije koje se moraju navesti?

Lokacija, datum, vrijeme, ko je pozvan - to je nešto osnovno što treba postojati.

Želimo da se omogući dodavanje ostalih informacija kao: dogovor za hranu, dogovor u vezi oblačenja, dakle želimo da to svako može prilagoditi tom tipu izlaska. Ostali korisnici dodaju svoje prijedloge za koje se potom glasa.

9. Imate li zahtjeva na privatnost u vezi informacija jednog eventa?

Svako ko je pozvan može da vidi sve detalje, a do pojedinih eventova se dolazi samo putem pozivnice od strane nekoga ko ju je već dobio.

10. Da li treba biti neki fiksni deadline za glasanje najboljeg termina (koliki bi on bio) ili da se ta opcija da kreatoru eventa (tipa dan pred datum izlaska, par sati pred izlazak ili sl.) te da li se može pomjeriti dedline?

Odlično! Može.

11. Da li treba da se obrise event (i kad) ili da ostane dok ga ne obrise kreator ili neko drugi?

Briše ga onaj koji ga je i napravio.

12. Da li postoje neka ograničenja kao što je npr. broj ljudi i slično?

Nema ograničenja u broju ljudi, može biti i jedna osoba samo.

Unutar eventa sve informacije su javne za svakog člana. Eventu mogu pristupiti samo pozvani članovi.

13. Da li želite mogućnost postavljanja ograničenja na maksimalni broj ljudi koji se može pozvati?

Može! Ta mi se ideja sviđa.

14. Kakav vid prijave želite?

Za login su potrebne informacije username i password ili putem Facebook-a.

15. Da li planirate imati administratora?

Mi bismo voljeli da nam Vi ostanete i na održavanju, jer mi nemamo trenutno nikoga u IT sektoru.

16. Rekli ste da bi administrator trebao da održava sistem. Šta sve pod održavanjem podrazumijevate, tj. koje privilegije treba da ima admin (tipa brisanje eventova ili korisnika u slučaju neprikladnih okupljanja i sl.), uvid u sve korisničke račune i eventove itd.?

Standardno što i na forumima recimo.

17. Da li želite napraviti razliku između online meetinga i meetinga uživo?

Može postojati kratki opis samog eventa, to je dovoljno.

18. Ukoliko su učesnici u različitim vremenskim zonama, kako riješiti takvu situaciju?

Dovoljno je samo napomenuti odakle je vrijeme, tj. koja vremenska zona.

19. Možete li nam dati više informacija o chatu?

To mogu biti kratke poruke, samo da postoji neki vid komunikacije. Željeli bismo da to bude grupni chat. Poruke se mogu "lijepiti" na zid.

20. Da li biste htjeli neki podsjetnik, u vidu notifikacije za neki event?

Pa web je aplikacija, svako neka pristupi kada želi.

21. Gdje bi invite za event trebao biti prikazan (slanjem mail-a željenom korisniku ili u vidu neke notifikacije na profilu tog istog korisnika ili neka treća opcija koju Vi predlažete)?

Može mail. Ili FB račun.

22. Da li imate neke posebne zahtjeve što se tiče izgleda same aplikacije?

Voljeli bismo da bude što jednostavnije, ne bismo voljeli naprimjer gomilu šarenih dugmića. Voljeli bismo kombinaciju bijele i plave boje.

23. Koliko termina korisnik može izabrati?

Korisnik bira samo jedan termin.

24. Prilikom odgovora na detalje u vezi eventa da li želite opciju samo da/ne ili više opcija?

Neko može dati novi prijedlog. Sve ide po principu prijedloga.

25. Razlike u odnosu na aplikaciju Doodle?

Pa za početak svako može dodati na panel šta želi, zatim može mijenjati.